

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 16.05.2018թ. թիվ 1808052162 որոշումն անփոփոխ, իսկ վարչական բողոքն առանց բավարարման թողնելու մասին

<<29>> 06 2018թ. 17-13-43195-18/17-13-5004

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմեն Աբրամյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Խաչիար գյուղի 6-րդ փողոցի 16 տան բնակիչ Արմեն Աբրամյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 16.05.2018թ. թիվ 1808052162 որոշումը՝ նշելով, որ ճանապարհային նշանը տեսանելի չէ:

Դիմումի քննարկման արդյունքում պարզվել է, որ դիմումատուի փաստարկն անհիմն է և չի կարող վարչական ակտը վերանայելու հիմք հանդիսանալ՝ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 68 կետի համաձայն՝ <<Բնակավայրերում տրանսպորտային միջոցների երթևեկությունը թույլատրվում է 60 կմ/ժ ոչ ավելի արագությամբ>>, իսկ ըստ նույն որոշման 70 կետի <<Բնակավայրերում և բնակավայրերից դուրս ճանապարհների առանձին հատվածներում, 3.24՝ <<Առավելագույն արագության սահմանափակում>> նշանի կիրառմամբ:

Ճանապարհային ոստիկանության ճանապարհային երթևեկության կազմակերպման հսկողության բաժնի կողմից 26.06.2018թ. տրված տեղեկանքի համաձայն՝ Երևան քաղաքի Արտաշիսյան փողոցում արագաչափ սարքից առաջ, երթևեկության երկու ուղղություններով՝ երթևեկության մասնակիցներին տեսանելի վայրերում տեղադրված են 3.24 (40կմ/ժ) <<Առավելագույն արագության սահմանափակում>> ճանապարհային նշանները, որոնք առկա են եղել նաև 04.05.2018թ.-ին:

Այսպիսով՝ դիմումատուն 04.05.2018թ.-ին Երևան քաղաքի Արտաշիսյան փողոցում երթևեկելով 61 կմ/ժ արագությամբ թույլ է տվել սահմանված արագության 21 կմ/ժ-ով գերազանցում, հանելով արագաչափ սարքի հնարավոր սխալանքի 10 կմ/ժ չափը, գերազանցել է երթևեկության սահմանված արագությունը 11 կմ/ժ, որը նախատեսված է <<Վարչական իրավախախտումների վերաբերյալ>> ՀՀ օրենսգրքի 124.4-րդ հոդվածի 2-րդ մասի տիրույթում, հետևաբար դիմումատուին վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.05.2018թ. թիվ 1808052162 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արմեն Աբրամյանին:

